

INUIT ATAQATIGIIT

Inatsisartuni



UKA 2018/217
10.10.18.
Peter Olsen

Illunut sanaqataaffiusunut taarsigassarsiat pillugit Inatsisartut inatsisaat nr. xx, xx. xxx 2018-imeersoq

(Ineqarnermut Attaveqaqtiginnermullu Naalakkersuisoq)

Naalakkersuisut aaliangiiffigisassatut siunnersuutaannut qulaani pineqartumut qujalluta, Inuit Ataqatigiinnit matumuuna imaattumik oqaaseqaateqassaagut.

Inissiaqarnerup tungaatigut aaqqissusseqqinnissaq Inuit Ataqatigiinnit qangali pingaartitatta anguniakkatalu ilagilluinnarpaat; taamaattumik siorna 2017-mi Naalakkersuisoqataanitta nalaani anguniagassatut piviusunngortitassatullu siunniusqataaffigisimasatta ilaat massakkut ulluni makkunani Naalakkersuisuninngaaniit saqqummiunneqallattaalernerat nuannaarutigaarpuit ilassillu-arpagullu.

Inuit Ataqatigiinnit anguniakkatta pingaartitattalu ilagilluinnarsimavaat, inissialiortitsinerup iluani, aningaasaliissutigisartakkatsigut, tapiissutigisartakkatsigullu nunatta sinninneranut, sineriassutta sinneranut annerujussuarmik siammarterinerusariaqartugut.

Imanngitsoq Nuummiinnaq, Sisimiuniinnaq, Ilulissaniinnaq, Qaqortumiinnarluunniit taamaallaat inissialiortitsinerup tungaatigut ineriertortitsisoqassasok; taakkumi illoqarfiit avataanni aamma aallanik inoqarmat, allattuulli innuttaaqataasunik, allatulli aamma inissialiorsinnaanerup tungaatigut aningaasatigut tapiiffingineqarsinnaalernissaminnik pisariaqartitsisunik.

Uumalu inatsisissap nutaap pilersinneqarneratigut Kangaatsiarmiut Qaanaarmiut Illoqqortoormior-miullu, nunaqarfittaaniittullu ilanngullugit tapiiffingineqarnissamik qinnuteqarsinnaalernissaminnik periarfissinneqassapput.

Siuertaq anguniagarlu Inuit Ataqatigiit siunertaannut pingaartitaannullu naapertuulluinnaqqissaartoq. Taamatut oqariarluta.....

Piffissaq manna iluatsillugu Inuit Ataqatigiinnit, Naalakkersuisunut kaammattuuteqarusuppugut, illoqarfinni allani, taamatullu aamma

tapiiffigineqarnissaminnik pisariaqartitsiffiusuni periarfissamik taamaattumik assingusumik aqqutsiuussisoqarnissaa pillugu suliniuteqaqqullugit.

Taamaattumik annerusumik oqaaseqarfingeqqinnagu, inatsisisissatut siunnersuutip siunertaa paasilluarlutigu, taamaattorli inatsisissap sukumiisumik qulaajarneqarnissaa piumallutigu, ataatsimiisitaliamut susassaqartumut ingerlateqqipparput.

Qujanaq

Peter Olsen Inuit Ataqatigiit